


全  
第七  
第  
六

伊5  
3996  
7止



075  
3996  
7



嶋津氏却英艦

慶弘紀開

今日鈔卷之六

安田源照矩編輯

○七月二日昧爽英艦倉卒奪城下蒸氣船三隻而還嶋津氏急令諸煩臺擊之互大發煩晝夜大戰三日午時英艦終敗歸過孤嶋戍兵大發煩仍又大戰英艦七艘俱夜遁去四里而泊四日留一艦于洋中以備我追而繫一敗艦於堅艦曳之與餘艦留者皆還去既英屍器械泛至者多此舉也我多殺英兵傷其艦然我士卒死之七人傷十四人氣艦三艘集成

月台所刊  
其見妻成

館一區士館佛寺市舍若干宇為敵燹所燬五日參  
議修理大夫源茂久上書及圖奏國捷所司代備前  
守牧野忠恭還江戶夜有數士斫殺橫濱商賈十數  
人梟其首自開港以來物價三五倍於前時於是亡  
命黨等以謂有攘命莫行更夷滅我互市諸商則外  
船自不來故戮之云十七日遣寄人右近衛中將藤  
原基敬巡視加田等海岸寄人侍從藤原隆歌巡視  
明石等海岸淺野藤堂氏等宰從東園氏黑田池田  
氏等宰從四條氏 朝廷據古典製軍幡八旒於是  
成幡制每旒三分上朱錦織作七寶等圖七分下白

製  
八

使  
倍  
攘  
船

繒裁為二幅每繒頭畫一鷹但四鷹左向四鷹右向  
數詔幕府攘外船莫之能行故一帝欲自征之救國  
人告先廟因造此八幡或云欲旌勤王諸藩而作  
之二十日夜有三士入右馬大允大伴重直宅斫傷  
之遁斫殺其妻重直德大寺氏宰也使外舅多買絲  
運之橫濱西陣絲商聞之四五人逃亡二十三日  
詔參議嶋津源茂久賞其捍英功曰英艦入寇也卿  
發砲血戰終攘却之朕感其行布告之旨者不淺  
自後彌勉勵加輝皇國武威於海外矣 勅保科  
容保至幕府催攘夷容保以守護多事辭乃 勅陪

月... 行... 見...

衛小栗長門守東下催之二十四日 勅諸大名曰  
屢令修飭海岸禦備而聞或未飭備且有傍觀懷貳  
之藩因頃遣使于加田浦明谷浦等監察之自今忽  
令輩必褫其官位矣列藩其知之有梟一油商首于  
三條橋側榜記油商等五人所居并其罪曰此儕近  
來多貯銅錢蠟絲油塩屬輸之橫濱長崎等由是物  
價騰貴庶民多困苦至流離飢渴雖惡政致之然為  
生民不欲報國恩背上之主意率獸夷害國人其  
罪不可言因欲悉誅此儕先梟一首此他大坂長崎  
宇治岐阜飯田長濱西國東國諸奸商亦一一檢之

幽叟  
見殺

夷其三族以絕交易之根矣既而指所居者皆提家  
出亡時大坂亦梟三商首于橋上二十五日三武夫  
入下總守藤井幽叟室町客舍詰問之斬其首明日  
懸之于三條揭示亭榜曰此人黨奸吏板倉周防水  
野和泉名築砲臺募諸富商貪多金因加天誅也幽  
叟又號大藤備中吉備津祠人嘗上策學習院說設  
暗礁于大坂紀伊海底使寇艦觸之壞其募築臺欲  
設之于山崎或云二老中非奸吏板倉勝靜常欲行  
朝旨幽叟請之得其許牒募之大坂不獲因來京  
師遭害筑後水天宮祝人和泉守真木保臣亦上其

所著勢斷勞三論于學習院至翌月變西奔二十六  
 日有士斫殺藤原高光夫妻肆其首于紫野高光故  
 前左大臣治孝遺孽寓光念寺或云其妻豪尚女其  
 或係貿易是夜有士數十人闕而發銃焚高臺寺而  
 法堂豐國廟並得全初松平慶永欲再入京師館是  
 寺因修補之其家宰已入館本願寺油小路說堂亦  
 有貼其門曰不速歸國焚之宰不出而備之豐國廟  
 在寺後園廟正中懸後陽成帝宸筆豐國明神書  
 幅左安豐臣秀吉等身像右安夫人淺野氏等身像  
 二十七日遣參政右中將藤原實麗于伊勢代源有

焚高臺寺

帝親治軍

容而祈翌月召還藤原公述欲遣左少將藤原公允  
 代之而以二九之變事竟廢肥後加賀久留米安藝  
 松山等諸藩相續入京師帝欲自攘橫濱等諸外  
 船勅召因入也薩摩藩亦撰兵數萬欲備御軍後  
 繼云晦帝臨建春門外觀松平容保治軍諸縉紳  
 及親兵侍御覽樓下親兵皆持短槍會津兵騎五十  
 步二千皆國裝士卒進退如運於掌帝大賞之○  
 八月二日大坂火五日帝觀諸藩治軍有弓銃槍  
 三事池田慶德躬指揮其騎卒上杉齊憲舍家法行  
 洋事齊憲前月上書曰不攘外舶國家必疲弊矣攘

事臣齊憲主從決志焉因去秋上策幕下言之切其  
 冬歸邑則賜上京之命臣主從感戴維持建寅以  
 謂天子親征盡老幼先攘矣乃元旦踏深雪西上  
 敬藩固有家法祖先以來不怠其實練矣然不知彼  
 不可征之故嘉永已來家學之外又習洋法云云其  
 洋事與池田氏國法皆可觀云是日詔大宰帥有  
 栖川熾仁親王惣督攘夷諸軍召仙臺藩先是幕府  
 以淀長門守稻葉正邦為所司代於是入京師十二  
 日夜帝召在京九大名宜親征橫濱旨初帝  
 欲續觀治軍而池田慶德數諫曰如有反側在治兵

慶德切諫

中不有虞事因停之至是又力諫親征曰橫濱之  
 路不為近矣臣大懼御道中或變作矣願姑延發期  
 帝銳意攘舶弗聽尚爭曰臣素非諫御征矣敢  
 請須臾埃幕府奏對而諸吏復舍攘事併外舶征之  
 帝入既而出曰姑從汝所請仍更詔行大和謁  
 大廟他日慶德謂人曰吾諫爭主上也欲有構之  
 雖公卿也刺之於御前矣吾固獻命于上矣苟  
 知其危殆豈得不爭夜有士數十人銃葭屋街一二  
 高絲庫燒之明日立榜集人與共打毀之家十三日  
 傳奏藤原雅典等奉旨令曰帝為祈攘行幸大

月台行刺慶應元年六月廿六日見書成反

和謁 神武帝陵春日祠等仍暫駐蹕會議 親征  
 軍事而後謁 大廟是日或梟松井中務首于三條  
 橋側中務本願寺臣為松平慶永往返於越前亡命  
 數人蹤之及歸宅殺之或云慶永還國反欲公互市  
 召橫井平四郎謀事欲入京建請之開交易場于本  
 願寺境市中務為之周旋淺野有馬氏家臣等潛蹤  
 之搜索其事情及之先是徵十津川鄉士一百人隸  
 行幸前驅至是入館圓福寺大坂商人業互市者  
 皆畏見害於是諸橋上貼帖曰以交易為業二百人  
 並出金及家具以請命亡命黨貼報曰不限二百人

慶永 欲公 互市

中山 黨起

因之其高又貼著許多人名時言京師亦有業互市  
 二百許戶幕府悉召同族及譜第諸藩謀事十六日  
 議行幸發期定以二十七日十七日上御靈祭場  
 前雙燈架無故並倒人皆大異之先是中山忠光潛  
 出長門歸京師居數月亡命三十餘人奉之為大將  
 之界浦會十津川鄉士等與共詣河内北條白木諸  
 族稱勅使借鎧馬銃及士卒遂到上太子及植本院  
 假其所秘捕于陣笠戰袍劔鉦鼓等至是忠光將兵  
 八十餘人造大和五條村代官鈴木源内謂曰天子  
 親征關東我等為其先驅汝以所管十萬石諸村獻

納之弗聽於是斫殺源内主從五六人焚其館舍梟  
源内首仍軍村之櫻井寺建菊章幟立榜略曰天子  
親征將臨幸此國因奉勅檢諸管土地人民者是非  
而源内不奉朝旨亦驕奢苦下民因誅之自今五條  
所管諸村皆為禁裏御料永免田租之半且奏事有  
命益招亡命十津川徒等遣使四方借金穀大坂亦  
有來借者甲斐守柳澤保申聞警自京師馳歸郡山  
十八日俄而閉禁門及諸郭門在京武人驚動馳  
集守郭門内外初味爽池田慶德本國寺館中有騷  
擾既而慶德臣數人提二馘趨至關白輔熙第訴事

開禁門

示首奏之因急鎖内外諸門諸縉紳大驚遽朝皆不  
得入而彈正尹親王朝彦守護松平容保所司代稻  
葉正邦等已在禁内以旨拒關白議奏傳奏知  
外事參政寄人與三條氏不入餘稍得入於是議奏  
以下悉集鷹司氏第近京武人聞變爭入都下大騷  
未時召關白輔熙入遣中使參河介源吉伸至毛利  
氏邸命免其衛界町門讚岐守毛利元純吉川監物  
經禮益田右衛門源吾共對曰朝廷以何罪黜敝  
藩吉伸見士卒皆拂髻欲戰駭不能強而歸更遣權  
中納言藤原光愛傳旨略曰行幸之計有踈暴矣

拒關白

黜長門藩



將檢之因有免命然。上確乎慮攘夷也宰相嘗効力。朝家振興人心故今而後彌倚賴之其益勤王事於是款宰益田源吾上書對曰謹奉旨雖未知被何檢然。行幸之期已定矣而悉黜有志公卿三條氏等免敝藩守門徵衆武警諸門事皆非尋常矣。微曹向者詣關白殿下伺之大恐有不虞矣敢請使微曹警衛。御座所近下敝部未嘗有行跡暴者請亮察之使三條氏等皆復舊掌而諸事尋常不報既源吾元純經禮等爭擐甲頻使使請鷹司氏而權中納言實美知外事權中納言季知參政左近衛少將

通禧寄人侍從隆訶等七人以謂雖有讒者至此矣而毛利氏。主上所倚賴也與之勤事必有建功矣。告旨源吾再上書曰向者奉對。天使事件也謹待聽之然以免衛界町門故更欲盡力於本國海防乃毛利元純吉川經禮以下衛都者今歸國而感戴倚賴。恩命因舉國甘死以從事矣三條氏等皆誠忠乃願為攘夷先鋒因而奉之西歸仰待其復職之命。於是實美季知通禧隆訶寄人右馬頭賴德修理大夫基修主水正宜嘉出鷹司氏第與毛利被甲千許人俱退東山妙法院及東方白西奔是日令諸大名

曰 行幸暫延其期而攘夷也 朕累年念成功之速矣勤王諸藩其不待幕命而掃攘夜二更至三更禁郭內有鳴響自南至北三次或云毛利氏素知幕府不能攘舶是夏遣其臣岩國城主吉川經禮等與親兵司實美知外事參政寄人等議表勸 帝親攘之 帝固銳意攘事聽之然以慶德力爭故更大和行幸因之實美等又勸速行幸遭譖不果又云本國寺之騷慶德近臣有不可行幸請慶德奏止之三人又有欲慶德同款藩勸 帝速南駕二十許人分館東山良正院相與議曰誅夫孽幸三人以勸主君

使 城 催 事

同心款藩主君固精忠必聽之乃數人自院入寺夜五更倉卒刺殺二人一人寢慶德側而免刺者白事慶德遂懇輔熙奏之急召朝彦容保等時 上已疏勸亟行幸者遂拒斥之十九日 詔褫西奔七臣官位免權大納言源忠禮權中納言藤原實則正三位平信篤議奏以前大納言藤原實愛權中納言藤原光愛右衛門督藤原胤保代之是日使二條城番豐後守松平勝行齎 勅書至江戶催攘夷曰六月攘夷之失期非一矣故使小栗長門守催之而不反命七月松平式部大輔會江戶途入朝因 勅之再催

攘夷亦未奏事矣何以其因循須迅奏攘功大輔松

山藩定昭二十三日召還使藤原公董 勅親兵部

至長門迎之辭更 勅正親町家臣某迎之松山若

狹等親兵五十人從夜會津士卒圍平野國臣薪高

街客舍國臣適在外歸途聞捕奔長門二十四日

詔停關白藤原輔熙寄人左近衛中將藤原實在右

近衛中將藤原基敬參政右近衛中將藤原實麗大

藏卿藤原隨資知外事右中辨藤原博房侍從藤原

光德等二十二人朝參 臨小御所延見所司代正

邦守護容保池田慶德上杉齊憲蜂須賀茂韶戶田

國臣  
奔長門

賞入  
衛

中山  
黨攻  
高取

氏彬本多康穰加藤泰祉阿部正方分部光貞等諸  
大名橫瀨貞篤中條信禮諸高家金澤宰本多播磨  
守水戶宰鈴木縫殿鹿兒嶋臣內田仲助仙臺宰古  
田右近熊本宰長岡內膳岡宰中川覺等諸陪臣賜  
稻葉氏以下綃各五匹并御扇三柄旗本綃各五匹  
前田家老以下綿各五純以勞二九之入衛因頒其  
諸大名士卒金一萬兩二十五日開內外諸門 命  
松江氏衛界町門嶋津氏復衛乾門二十六日天野  
川中山忠光黨兵攻駿河守植村家保高取城敗初  
忠光之起稱奉密詔自號天誅部故諸藩陰備之未

月台行川 慶長紀略 卷六 其親擢藩



高猷發兵三千五百人至翌月陣五條古市等幕府  
數大和紀伊河内等諸藩攻忠光黨命彦根柳本芝  
村小泉助高取紀伊兵三萬人陣高野山及福本郡  
山兵三千餘人陣下淵尼崎兵五百人新庄柳生狹  
山丹南等兵千餘人繼之彦根兵六百餘人陣興福  
寺二十七日參議大江慶親呈書右少辨藤原經理  
略曰延親征期免御門衛之勅謹奉之然臣慶  
親盡心於尊王攘夷也 叡感維屢而特下制使  
豈圖今日停警衛職臣誠恐 叡慮何如欲上京訟  
寬然以嚴備外寇故使家臣懇之仰願奏請 顧前

小源太死節

日寸誠垂憐愍之命尋又呈書皆不報武門之奏皆  
因傳奏司獨毛利氏古來因勸修寺氏二十八日紀  
伊將水野多門以兵二千人來陣五條村中山黨遣  
使謂曰奉勞貴藩遠來因明日進楮砲供貴覽是夜  
黨兵遠設燎數十所多門懼欲遁有荒卷小源太勸  
之出陣決戰弗聽憂憤自殺多門不以為意竟奔紀  
伊慈野村後坐奪采地半荒卷家加俸是日紀伊藩  
入京師晦尾張藩入京師先是權大納言茂德有罪  
幕府命慶勝代再為藩主初長行償英船也茂德留  
守江戶陰預其計事覺因抵罪茂德即義比美宗封

改之○九月二日有武夫斫殺一佛朗西人于加奈  
 川四日藤堂高猷自津入京師五日水野多門率福  
 本兵一萬人向天野川晡時陣日吹村天野川兵逆  
 戰勝敗未決黨兵佯走多門兵追遇伏敗北黨兵躡  
 之投炬發煩焚日吹八十餘戶多門已遁餘兵戰敗  
 走入高野奧院後山黨兵掠日吹器械糧米而去日  
 吹一作富貴盖吹富貴同音作富貴者省日字同夜  
 郡山兵以大銃攻黨軍銀嶽砦敗尋再攻遂拔據之  
 是日忠光使澁谷伊與作等三人詣藤堂氏五條軍  
 門兵多出捕之伊與作膂力過人捉擲兵十數人就

廢親兵

虜日丑歲朝議決于攘夷也我徒受其真勅云云今  
 被使而詣不意見執乃襟出使之告案曰去月十三  
 日有親征令因命募義兵衛鳳輦云云松平容保  
 謀反幽主上偽令討我是敵官軍也願得聞來討  
 由七日罷親兵勅在京諸大名宿衛禁郭內加  
 賀薩摩膳所大垣水口等士卒戌三條四條五條宇  
 治豐後諸橋鞍馬口粟田口澁谷滑石及西郊諸要  
 地允二十餘所是日安濃津將藤堂新七郎帥兵千  
 六百餘人攻黨軍和田村砦拔之進攻大日川砦黨  
 軍據嶮潛兵設釣壁欲敵兵附之截其維鑿之新七

慶德上疏

即兵覺之轉出崖上發大小銃破黨前軍後軍替之  
仰發煩新七郎兵冒丸奮進頻發大銃遂拔之燒其  
營獲旗木煩等而旋近衛中將池田慶德上疏曰方  
今形勢誠不容易矣 皇國開關以來內憂外患並  
迫無甚焉至難至急之際一事得失關千載之汙隆  
一夫向背係四海之安危矣十八日以來變動也人  
因不知所適從矣是又生變動乎嚮日拜 龍顏而  
御前拜誦 宸翰曰十八日前之勅者真偽不明分  
其以後之勅者真旨云然前後真偽之辨愚昧之徒  
不得瞭之却懷疑惑而下窺上乎慷慨夫國難也自

有處士行跡暴雖然太平人心多游惰因循而所為  
皆偷安苟且故攘夷之 勸旨難行橫濱之交易漸  
盛是以數發 詔書皆如故紙然夫慷慨輩憤怒之  
大欲起興因循鼓舞游惰故自涉踈暴而背 勅意  
也乎薩州周旋公武而振興尊王之道長州奉養  
詔旨而首行攘夷之役皆世所仰也縱背 勅意皆  
出於忠誠之心矣故審問其事情公正之處置雖蒙  
大譴而臣子之分甘心焉事曖昧而逢一朝譴怒則  
必不得其實不安其罪名矣傳聞者亦懷疑且惑  
是自係天下人心向背矣關東因循之徒乘之沮事

月汭新史 慶引紅眉 金卷下 一四 其系本亦  
攘夷銳鋒為之所鈍遂陷夷奴術中矣夫慷慨紛紜  
一時壓倒之其激發或有不虞事方今 聖主視朝  
賢相執政根本之議雖毫無所變而外臣不預 朝  
議故如臣等皆不知其事實矣况郊野人乎世發亡  
說則一事一端流言四方疑惑而天下動搖矣仰願  
公卿藩士力勸評裁之不挫其奮發勵精之氣觸諱  
犯罪嚴責之不空其勤王殉國之功草莽陋雜固拒  
之不塞其發鬱直言之路非常警衛仰命之推寬大  
裕闊之恩東西侯伯朝會之無四方凋弊之患文武  
諸官補任之無徧愛濫授之私以建 皇道盛張海

內悅服之基本今時緊要惟攘夷事外患未除內難  
發起則 皇國反為左衽被髮矣薩長二藩之有功  
且被譴黜則餘藩自鎖口或呼朝議朝議以為弄言  
矣若是則上下不通言路屏塞遂至列藩積怨逼迫  
朝廷而朝憲為之墜地矣臣悲歎之不堪也上下  
同心合力如藺相如舍私怨與廉頗共公事則闔國  
尊王日盛也乎右所陳也 陛下以為迂遠乎然不  
治內莫攘外也攘夷基本且少貸過發憤激矣不然  
難速奏功矣因同人心併眾力為今時急務矣而同  
心併力在 陛下制置矣凡事莫以今日小過廢前



日多功而舍細故用長能則列藩知適從志士得其  
所天下方向定矣不然下情相疑故勅書數降而  
無効天使頻東而何功哉今者為天下向背初定  
之機矣故先立根本制置而宸斷必主寬宥闊豁  
廟議不折皇國正氣矣不然則萬事不行攘役  
自廢內亂日迫外寇月逞矣今已和州一揆稍盛關  
東拒攘漸緩是即陷彼術中也一揆所為雖觸法憲  
非容易而其黨亦決志勤王而憤起故一宥其罪遣  
勅使鎮撫之慰喻以居易竢攘命蓋國內一心  
戮力則攘夷容易也右諸件也臣知其可否而默則

背君臣名義故甘死罪以上言臣慶德欽惟  
慮於種種皆念皇國安穩咫尺不犯乎敢請  
陛下命斟酌臣愚慮大率云九日小栗長門守歸自江  
戶奏對是夜天野川黨兵百許人襲彦根將永野伊  
豆下市村陣入奮擊出環之大發銃縱火燒村家二  
百餘戶伊豆眾潰走黨兵追之殺傷若干人掠糧馬  
器仗而去十日勅太宰帥熾仁親王往催督幕府  
攘夷池田慶德池田修政峰須賀茂韶上杉齊憲等  
屬焉發京期翌月朔十一日幕使雅樂頭酒井忠績  
入京師數日還或云幕府使之對松平定昭所傳

月... 慶... 卷... 十五... 其...

旨而帝欲召大將軍令之歸傳其命天野川渠  
帥野崎主計入藤堂氏陣訟為巨魁所欺而抗官軍  
上謝書自刃而死焉主計十津川鄉長初諸渠帥稱  
奉內旨也主計首信從之說鄉之千槍家等得數千  
人既而傳奏司命在京鄉士曰中山徒偽勅煽十津  
川汝等歸鄉諭之由是鄉內始懷戴至是皆知欺誑  
主計慚悔遂自殺黨人聞其死多逃亡左近衛中將  
藤堂高猷上疏略曰七日之捷已以聞奏而切訊俘  
虜皆篤志尊王攘夷甘為之拋身命矣是非真亂臣  
賊子哉今特勅帥官為使節則關東不得復違背

高猷  
上疏

津軍  
野天  
川

矣然則今可奮勇敢之士之時而夷滅此黨豈不惜  
哉仰願宥撫之喻諸亡命歸鄉里勅其地頭糺之  
是非曲直臣受追討命表請之者誠有恐矣雖然  
當攘夷距絕之機損勇民且畿內動干戈也臣慨歎  
之乃為皇國不顧罪而上言但敵地且遠先鋒乘  
勝朝廷察臣言敢請急救之勅金澤宰本多淡  
路守援安濃津軍討中山氏十三日淡路率兵千五  
百人發京師初淡路衛正親町門於是備前藩代之  
是日安藝藩入京師尋其世子亦入十四日安濃津  
前軍攻天野川辻壘壘兵盡銳扞禦終縱火焚營而

月台... 見妻...

遁會日暮不追之諸若渠帥先已集十津川長殿村設柵築壘拒守安濃津彦根諸軍進攻其前門紀伊軍攻後門安濃津前隊令歸順鄉士嚮導從山上鼓譟馳敵中銃殺五六人黨兵大愕不戰而遁渠帥藤本真金松本泰武那須真吾等俱突入紀伊軍奮擊真金勇健冠黨中揮大刀追騎卒斬七八人紀伊兵辟易二軍前與俱發銃如雨真金泰武中丸死彦根兵已進擊殺真吾等十許人餘黨悉散亡中山忠光已遁潛匿數日欲突圍奔長門乃白粉渲顏紅脂傅唇鉄漿染齒作點上眉被緋甲冒白衫騎美馬携二

忠光復奔長門

慶德再上疏

虎皮與渠帥八九人馳彦根軍大呼曰寄人中山侍從通行矣彦根兵披靡遂達大坂航海西奔二十二日池田慶德上疏畧曰今日朝廷處置即治亂隆替之所由判也臣以為至大至重事因又獻言外臣素無測知九重內事然方今非常之時也祈朝廷精議萬端而使諸藩勿建請換更所勅之之事矣養皇國全力維持之固為朝廷規模矣然而七道之二百藩也封有大小路有遠近土有肥瘠海有廣狹其貧富皆因國產地利矣而土地所產有限財寶所費無量願廟議計其大小肥瘠之程使諸

藩各均盡力矣如今勢也瘠土諸國日益疲弊因竟  
不得勤王事而萬一有入寇乃反釀國辱乎臣甚憂  
懼焉頃者道路說曰長州家臣至大坂勅止其入  
京已而許輕裝上京將上復止之若是則可謂朝  
議容易變動哉臣雖未知朝廷何以不許長州家  
臣入京師而側聞宰相父子欲上赤心之言故願上  
京臣敢請命入京師詳聞其意而忠告謹議採用  
之暴言踈論譴責之宰相父子厚蒙朝恩假令不  
蒙而神國內無有向禁闕行不臣事者况名義  
反正之今日乎仰願陛下勿憂患之然果止其入

輝虎  
賜御  
旗

京則其群臣積疑惑或反起輦下動搖之事聖慮  
寬大制置公正則縱有一不臣而終喪天威服  
敵慮感勅信慕聖愛矣臣仰祈朝廷公議  
皇國一到和睦矣先是轉近衛少將上杉齊憲為近  
衛中將上杉氏十世祖定勝以來官至或侍從或少  
將而罷於是特進之昔輝虎奉近衛氏首倡勤王也  
朝廷賜以御旗喪亂遭火僅存燼餘帝嘗聞而  
微覽之其錦紋猶粲方存日月章齊憲奏請摸織之  
於西陣至是朝告東歸時織工未畢留其宰獻之二  
十四日詔關白藤原輔熙復朝參先是詔朝

月台行川  
見

親王內覽文書至是右大臣藤原齊敬代之內覽長門藩士卒多東上館嵯峨天龍寺二十五日近衛中將松平慶倫池田慶德侍從淺野茂勲蜂須賀茂韶藤堂高潔等共上疏請許宰相毛利慶親父子入京師書奏不省是日安濃津彦根郡山等軍分道追中山餘黨彦根軍與渠帥景道等數十人戰于鷲家口獲之彦根兵有大館者力兼二十五人挺進與渠帥五人鬪盡斬之傷甚死焉景道有驍名慚高取之敗欲襲取之領二百人匿重坂村此月十九日夕與二僚潛如城下伺之遇斥候十餘人與鬪一僚死一僚

力兼 二十人 五人

走景道奮擊殺傷七八人還療創聞津兵同以其我奔... 進攻鏖戰景道喻左右遁去獨立大樟下大音曰追兵謹聞我言汝等忘世蒙天朝鴻恩為關東向刃於尊王攘夷先鋒矣其當後三年不逃天罰矣吾天誅部裨將寅太郎也欲獲我者前而高名矣言未畢揮大刀奮進擊殺數人前隊破却二隊更前銃斃之蘇起再銃之死餘走前後就虜黨悉平鷲家大和地一作走鹿藤堂高猷世子侍從高潔上書請俘虜命曰黨與信偽勅誤勤王今大悔矣戮之不仁哉臣敢

中山 平黨

月台... 見...

請垂憐，赦之。二十八日，肥後藩入館。本願寺。○十月三日，天使藤原公董歸自長門，是日米澤宰莅戶。九郎入獻朱錦御旗一旒。少將嶋津久光奉勅入京師，蓋前後入京，諸藩皆帝召之也。七日，勅暫留太宰帥熾仁親王使於江戶。先是松平容保奏曰：幕府欲鎖港，自九月十四日議之於橫濱，云由是德川慶勝、德川茂兼亦奏請且留熾仁親王東下，故有此命。九日遣內舍人圖書權助賀茂清光內豎出雲守源珍鏘于大和，巡撫十津川鄉藤堂氏士卒屬之。或云島津細川山內士卒亦屬十津川鄉，縱十九里。

召大將軍

木村達父 離

橫三里，自古無輸田租，稱鄉士，佩二刀。至德川氏創業，教受槍千竿、弓千張、銃千隻，每將軍上洛，以其三器衛二條城後門，獻鹿皮千張為例。云巡撫使還後，勅傳奏司管鄉內戶籍諸訟等，改庄屋年寄稱復。其舊曰庄司目代。十三日盛岡藩入館，誓願。十五日日，勅召大將軍，先是欲聞鎖港悉曲，召德川慶喜。於是命與之俱西上。翌月又使町奉行奉詔至江戶，催之。是日若狹等兵以中山黨俘馘入京師，安藝藩西歸。是夜新徹部木村達斫殺父，離山本仙助于千住驛。達本喜連川臣生三歲，其父為仙助所殺。仙

月... 見... 友

助本浮屠還俗亦入新徹部達欲報之憚其強很佯為不知父故相善數年請同僚藤村鬼一助報仇至是卒然謂仙助曰汝豈忘十有七年前事我安與父讎共戴天仍鬪終與鬼一共斬之或斫殺一條家臣大原倉人于四條街十六日藤堂高潔自大和凱旋京師致首十五級虜二十餘人或云高潔不往大和是其裨將也初中山黨至大和唯念寺曰我黨奉內勅起義兵不從則殺矣從之將檀農五十人與紀伊磋刀匠所率共守天野川一谷口安濃津兵以大銃攻之唯念勵眾曰朝敵來塵之眾發銃潰走入里許

勅野計  
九五生

告狀本營呵曰盍支矣疾出拒之再入必斬恐怖途遁詣本願寺告曰屬官軍為賊所逼一寺將亡請來救焉門主致之市廳至是赦歸門主十八日以右大臣藤原齊敬為關白是日出石仙石久利等三藩奉勅還但馬討姉小路五郎麻呂五郎麻呂即清原宜嘉嘗自改稱號初宜嘉與平野國臣等諸亡命陰結黨謀伐松平容保等夜潛出周防客館國臣及南八郎白石廉作等二十餘人從之此月十二日到生野鎔塲吏舍請止宿夜中擐甲吹螺造代官川上德太郎館德太以公事出在備中其臣武井等接之曰

我曹奉勅征兇徒矣固有約於長州京師其援兵將至請姑假此陳屋武井惶惑貸之奉德太孥徒民家既又請借鎧仗及米五十苞金十兩飛檄四近藩檄書封面記澤殿御內某命武井等召集管內農千餘人使鎔塲吏等鎖邑之四口守之每口亡命監焉居六日召武井市川等謂曰有後繼之約日遲之未至故反催之請還館如故宣嘉以下皆發既而邑人相聚曰遭斯命而令無難而還者遺恨矣可追擊也數百人追之黨人且戰且走國臣與藤藏等數止戰以逸宣嘉被執囚生野有謝世和歌餘十數人走以

謀曰死也一耳何係農夫手八郎從請列十人而自及有一力士欲宣嘉達長門從至因幡界瞻出石豐岡等旌旗追來遂自殺宣嘉亦為追者所殺福井松平慶永入京師幕府開守護館于勘解由小路町尻明年松平容保自岡崎光明寺徙之二十三日夜有數士斫殺江戸高賈十五人肆其首于橫濱初權中納言前田齊泰還國備京師軍糧而未之徵是夏奏請獻其一萬斛因有命先納五千斛於是其米至鳥羽適西高瀨川五成乃首漕之是月幕府以川越大程守松平直克為政事總裁先是毛利慶親大築于

加藩  
獻米



山口城墟至是自荻移居焉益飭海防其士卒自季夏每被甲治軍有農兵隊僧兵隊雜之○十一月七日從一位左大臣一條藤原忠香薨年五十二子實良嗣九日遣權中納言藤原光俊祭神武帝陵修諸山陵畧畢故也福井藩起新邸于安藝邸地東尋加賀藩開邸地于南禪寺西會津藩開于阿波邸北土佐藩開于白川村岡藩開于其西尾張藩起新邸于智恩寺南犬山藩起于福井邸北姫路藩起于堀川水口藩起于六波羅山形美作藩開邸地于會津邸地北宇都宮藩開于山鼻出雲藩開于小川大村

牙城災

宮津藩開于油小路松代藩開于水口邸南飲肥藩開于清水坂舉每藩開于真葛原凡北白川三條間之田朱雀大路傍之田西京內野側之地概為諸藩邸地其名不具載十五日暮江戸牙城災時未築西城大將軍乃避火于吹上數日移清水第親子內親王避于田安二十一日大坂新街火會風市舍二萬戶延燒二十六日德川慶喜再入京師○十二月勅諸藩等今後開邸宜設之于市街之外時開邸也間有屏塞市街高賈頗困故有此命二十日以右大臣藤原齊敬為左大臣關白如故內大臣藤原公純

成鴨修廟

為右大臣權大納言藤原忠房為內大臣二十二日  
 勅荅萩藩遣右少辨藤原經理至藤杜接萩使并  
 原主計傳之主計不得入京故至伏見上書而竟不  
 聽而還德川慶喜自東本願寺徙若狹藩姊小路邸  
 二十四日夜鳴津氏洋製船過赤間會雨雪其旗幟  
 為之所凋不辨戍兵誤以為外艦大發煩破之溺死  
 二十餘人餘乘子舟而遁二十七日前十佐藩入京  
 師是春勅修賀茂廟幕府乃營之至是成 帝使  
 使行遷宮儀齋戒三日 宮中拜之修賀茂下土廟  
 每三十年新之為式而河合貴布禰御蔭比良木等

祠皆以附廟自古同時修之亦成

慶弘今日鈔卷之六終

紀聞

Blank page with vertical lines for text.

慶弘紀聞 今日鈔卷之七

安田源照矩編輯

大將  
軍上  
洛

甲子元治元年正月朔夜京師地震二三日在京大  
小藩四十名朝賀正元十日近衛中將池田慶德上  
書請速許毛利慶親父子入京令實美等還廷以使  
海內人心勿錯亂而遂累年聖志因言如救藩少  
年流離之徒等起亂而內地生變則是邀而陷彼術  
中也 朝廷請顧之去冬 勅召慶德會病故今在  
鳥取上書十五日大將軍入京師李冬自江戶航着

其相續續續續

諸法親王還俗

大坂至是入居二條城。詔大將軍大備掇津要地，嚴飾列藩，要港減省，因循冗費，精強征討，兵力以張，奪懲之典，盡乃祖之業，勿違天地鬼神。詔赦前勸修寺門跡濟範，罪還俗。濟範因復稱親王，開策于河原街彌山階殿，尋詔仁和寺純仁法親王聖護院雄仁法親王知恩院尊秀法親王還俗。純仁尚弱，其諸臣上書辭之不許。雄仁固辭曰：為社稷，命還俗者，臣法身而執戈矣。雄仁伏見親王，負敬之子，有賢才，封內民遭水火等難，必厚賑之。伏見氏貧而時空，商賈避門而過。雄仁為設儉則大省經費，三四歲而

三條氏等上書

復有後再命蓄髮，然絕婦女葷肉，如故。云二十一日大將軍入朝，獻御劔鞍馬黃金綿綸等物。分廷臣白金等，皆如初朝禮。二十七日大將軍入朝，款藩使其京邸留守乃美織江上書曰：有外艦將寇赤間之風聞，故益嚴其兵備，伏請令諸藩洋製船，告其過於赤間陣如故。但夜船章不辨，願晝間過。為翌月三日勅答曰：異國製船，無自彼發砲，則互不支令過。○二月朔在菽藩三條氏臣平正庸西三條氏臣藤原李興詣傳奏權大納言藤原俊克呈藤原李知藤原實美等六臣連名疏，請奏之。其略曰：臣等犯罪之身

月台所刊 慶元紀開今日錄 卷七 十一 其見書或反

而奏言國家大政也自以為不憚朝憲乃戰慄恐  
懼難白矣然而攘舶者外響於夷蠻叛服內係於國  
脉盛衰故臣子之分不忍沉默而敢犯萬死建言鄙  
衷抑拒絕外舶也去歲布告天下曰不拍幕府示令  
而掃攘既而更告列藩曰關東與外舶談鎖港故其  
應接間勿輕舉暴發矣臣等以謂必有絕斥處置而  
至今日臣等未聞鎖港實効矣今也大樹公上洛列  
藩亦上集其必有國是齊懲之廟算然而萬一遷延  
此時則不復有掃攘機會而無貫徹積年 叡念矣  
遂失國人方向加之以萬民困苦邦內瓦解其禍亂

不可撥而竟陷夷賊勿饜之術中受振古所無之大  
耻而 神州成腥羶汚俗矣臣等泣血悲懼為敢冒  
瀆 天尊以上言 仁宥不敬不憚 聖察蒙昧仰  
願云云七日大將軍入朝遂朝泉涌寺 帝廟上香  
銀益祭田 累帝上香各白金十枚寺之采地原六  
百八十石於是加三百石十日幕府奏始置軍事惣  
裁役以松平容保兼之賜役俸五萬石是日近衛少  
將立花鑑寬上書告還柳川曰臣聞外艦入南海矣  
毛利父子蒙疑而外兵寇之 皇國急事因歸國接  
之時有外艦犯長門幕府伐菽藩之風聞或云鑑寬

幕府  
益泉  
涌寺  
祭田

痛慶親寬欲助之故雖告不許而歸十二日大將  
軍游觀洞庭園園有偶仙樓臨池亭霞雪橋五松島  
傍花閣丹楓溪等勝東本願寺別莊也此園池在昔  
擬諏訪湖有上諏訪下諏訪兩祠初東照公賜東本  
願寺地也東疆高倉時京城東堡在高倉其堡北至  
六條折東至富小路又折東北至五條橋南而高倉  
堡之東六條堡之南皆田野此祠在其野中及大猷  
公又賜東本願寺高倉以東地移六條堡于七條高  
倉堡于富小路其內開市街因役諏訪祠于今諏訪  
町仍祠趾池樹起別莊稱洞庭園世或以園裏有石

造鹽釜故為大臣融河原院遺趾者誤矣蓋院所當  
富小路六條東北十五日幕府奏以前近衛中將松  
平慶永為京都守護無幾辭之松平容保復補守護  
十六日幕府斬渠帥澁谷伊與作酒井傳次郎尾崎  
太郎安積五郎岡見富次郎田所勝次郎中垣謙次  
郎荒卷半三郎伴林光平尾崎壽五郎鶴田陶司安  
岡斧太郎江頭權八土井佐介嶋田省五郎等十九  
人于六角獄庭此內七人高智亡命六人又留米亡  
命餘岡山水戶亡命也渠帥臨刑或獨言臣不畏死  
矣然斯政挫天子叡慮矣臣深傷之或言躬今死

復諸陵寮

魂不死必以護天子矣或問天子之方向之九拜或詠謝世和歌觀者皆流涕伊與作亦有獄中詩時獄中餘三十人許或云赦之二十日詔改元曰元治二十四日復置諸陵寮選其官人至五月定之詔修理大夫菅原量長任之頭大和介平種松河內介中臣勝藝為之王事近江大膳平教愛河內大目平長喜為之史生量長家號若江世伏見氏宰有女名董子學乃父博覽經史辟准后九條氏侍讀年過三十未醮男子政還之後上疏官廳曰妾以聞也固不辭鼎鑊刀槍之戮其書千八百餘言句句顯忠

女丈夫

無所忌時人稱為女丈夫其後屢上言有觸被囚其赦出詰吏之失言不貸云二十九日幕府以朝旨命乃美織江召款分藩一負及吉川經禮織江家臣一人速至大坂二十六日有二士梟一首于大坂東本願分寺南門立榜而昇寺堂並自殺各遺和歌記姓名曰水井直一山本朝正蓋款藩亡臣也其榜略曰去冬我等聞此大谷仲進買油綿屬巨萬以自界浦運長崎今茲要仲進于周防別府浦訊之曰欲與外舶交易而漕下也汝君藩以其先君遺旨揚舉尊攘大義奮起天下人心矣豈圖今日忘却其遺旨與

其見...

外夷交易是如汝諸吏貧慾無耻私計之所為而上  
亡茂攘夷十有餘年 聖衷下不顧諸品拂底人民  
困窮內疲弊 神州之力出其有限之產外陷弱豺  
狼之計充其無厭之慾矣其罪天地不容神人共怒  
因之燒竭漕貨誅戮郵吏梟其首以戒世間交易者  
二十七日鳥取家宰伯耆米子城主荒尾但馬上書  
曰陪臣仄聞 朝廷欲亂問長門宰相父子召萩分  
藩以下三人至浪華世謂憚長人暴發止之浪華而  
今者大樹公領諸侯伯在洛豈有憚之哉陪臣以謂  
天朝幕府得事之宜以處置之長人何暴發之為

荒尾  
上書

而萬一暴發則敢請 命陪臣但馬討平之但馬代  
主相摸守勤京師故盡死力能制之去年長藩家老  
根來上總井原主計先後至浪華上請入京而不許  
入而使勸修寺氏接主計於伏見遣歸是恐 朝廷  
規模狹隘失上下之體歟伏請今更召長人至鞏轂  
之下但馬欽惟召三六內有吉川監物則分藩毛利  
讚岐守家老益田彈正亦當召之仰祈 天朝幕府  
處置之以適宜矣別認寬容亂問等事欲明日上之  
右建言陪臣但馬大恐僭越之罪然是舉藩所懇願  
云云相摸守中將慶德兼官後任因幡守於是但馬



又上書幕府曰幕下內命我主相摸守曰幕府糾問  
長門宰相父子而萬一不服則征伐之因命相摸守  
備從征之設但馬謹奉命然此舉甚重大事故須相  
摸守速上京白其意而向來相摸守卧病不得發邑  
因之但馬雖僭踰代相摸守與衆議論以上言抑長  
藩事我主嘗建言于天朝幕府懇請寬大處置者  
素非曲己阿黨長藩矣皆思皇國安全耳敢請今  
日糾問亦申以寬大而宰相父子心服恩德有所謂  
不以力服人以德服人之所置矣竊聞主上嘗宜  
長藩伎不可不罰雖然旻皆朕不德之所致也

主上且自處矣但馬恐而感泣為今幕下深責長藩  
罪則叡慮為腦矣糾問以寬大則主上亦安矣  
旻不獨長藩心服天下人民亦服恩德遂莫及征伐  
也事係神州泰危台威隆替矣伏請寬大其處置  
云由黑田齊溥荒尾世馬等諸建言更商議二十九  
日命京邸留守織江奉還召帖將許入京師翌月某  
藩等不可之又命至大坂○三月幕府改造泉涌寺  
陵域前門新作拜殿奠舍及廊長岡護美詣二條  
城強諫討毛利氏言其失籌護美字良助少將細川  
慶順弟也去月勅諸藩上言國旻各應之上書於

其親覽藏版

明軌  
上書

是水口越中守加藤明軌上書略曰國之安危兵之  
勝敗在人心和否矣因請大樹公在京攝之間成國  
是—定人心—和今舍洋舶大患紛國內處置則人  
心益動散矣敢請速召長門藩尋問其情實從寬典  
施至當處分矣如嚴問諸亡臣等罪則彼以己陷死  
地必釀大變矣此徒慷慨國難故離別父母妻子拋  
盡其身命是即皇國元氣也若夫疏暴舉動皆悲  
國威廢墜惡洋舶猖狂之所激也故窮治之又起和  
州但州等變今宜召其潛居京攝之間者命以攘夷  
先鋒必感戴有奮前勇往報其効矣雖然去年以來

祭神  
帝陵

頻召諸侯各多趨從冗費却亡軍備用貲仰願使已  
奉旨者速歸邑厚養國力及有急能辦軍須矣是  
懷諸侯和民心之一策歟大綱且振諸侯—和然後  
以六十餘州全力攘異舶則必回復皇運震耀幕  
威云龍野淡路守脇坂安斐上書略曰客歲勅攘  
夷而列藩至草莽士皆感奮盟起以為千歲機會矣  
故自有蜂起憤發之徒而今在斯危急之時—一按  
問之則反聞人心離反海內分裂之基必陷外船之  
術中矣故夫同異紛紜皆從寬典不問而合闔國之  
勢以其全力攘舶則國體自立矣十一日遣權中

月台行刊  
卷二  
其見書成反

納言藤原定功等祭神武帝陵自後歲遣使祭焉  
十三日夜江戸大火明日熄十四日荒尾但馬上書  
幕府告歸曰不肖但馬以敝主命代入上疏傳奏飛  
鳥井氏請召長人入輦下寬大其所置而今反聞召  
之至浪華乃窺其非寬大而大痛心矣亦聞外艦犯  
長藩而不忍傍觀因欲具應援調度備外艦或入敝  
部雖有支藩伊勢守亦罹病莫指麾故但馬急歸國  
伏請之 勅傳奏權大納言藤原俊克議奏參議左  
近衛中將藤原公誠至大坂接毛利慶親使吉川監  
物經禮等傳旨為幕府令老中遠江守有馬道純

田九  
黨起

屬之二十日久留米藩入館洞庭園二十四日大將  
軍入朝二十九日大將軍入朝○四月水戶重臣田  
九左京縮山國兵部喜齊藤佐檜山三介藤田小四  
郎田中源藏以下二千人與王人倉川旗本鈴木宇  
都宮重臣戶田木村康兒島臣松脇中村臣黑田及  
一橋仙臺佐倉德山因部等諸亡命鹿島青木岩舟  
大森等諸祠人龍寶院主農夫等私樹攘舶黨其二  
千餘人據州伊田子山川等村其千餘人據筑波板  
倉諸山移檄於四方題曰忠憤狀五日魁帥田九稻  
藤田小四郎等以黨三百餘人奉其故主贈大納言

齊昭木像於輿四十人舁之至下野宇都宮次古將  
宇都宮氏菩提寺張紫幕禁乘過有會津士騎過乃  
斬之聲言我等詣日光山奉東照公神幣以為主將  
烈公像為副將赴橫濱行攘夷矣烈公謂齊昭也八  
日大將軍入朝九日越前守戶田忠恕在江戶聞警  
馳歸宇都宮福島內膳正板倉勝頭莊內酒井繁丞  
等亦自江戶馳歸其邑十六日幕府役大坂城兵千  
五百人戍二條城外令其三十六人宿衛 禁庭其  
二百五十人晝夜巡警 禁郭七町外其二百五十  
人次兩本願寺巡警市街先是 勅諸藩使其士卒

宿衛 禁庭

巡警都下至是廢之是日錦小路丹波賴德卒于長  
門賴德與同僚共在周防湯田以疾游下関卒年三  
十毛利氏廟祀之于湯田赤妻山十八日夜有數士  
詣出雲守源信貫宅誤以謁者為信貫斫殺之信貫  
與其母妾等置酒大驚踰垣而遁士乃殺母傷妾而  
去信貫朝彥親王家宰其宅隣知恩院匿之免或云  
朝彥右幕府之計信貫最力故攘黨欲殺之細川有  
馬山內淺野黑田立花等関西諸大名及嶋津久光  
自上旬相續歸國或云疎斥毛利氏委任幕府而諸  
藩見事之不遂故多託海防而還二十四日使使奉

幣于大廟及賀茂石清水春日等六廟告改元賜  
大將軍詔書略曰幕府職掌內治安皇國外征  
伏夷狄然泰平久而上下流於游惰外夷驕暴萬民  
艱苦遂成今日形勢今者將軍上洛也有列藩因之  
建議事務以故欲更委諸政於將軍出政令於一途  
以使人民莫疑惑矣須從別旨之目嚴修職掌但大  
政大議必奏聞之其目曰橫濱之鎖港也必奏其成  
功但勿無謀而攘夷曰專力海岸防禦急務實備曰  
長州之處置也藤原實美等諸脫輩毛利氏諸暴臣  
之事朝廷莫復預之矣幕府其以委任故且處置

詔書  
西事

新令  
十八條

之但主曩日所命意曰方今物價涌貴萬民困窮須  
速勘辨而恤之行人心和合之處置二十九日大將  
軍奏對略曰謹奉聖旨臣家茂不肖不堪其任然  
尚盡力勵精修職掌而別旨橫濱鎖港海岸防禦  
長州處置物價勘辨諸件奉 睿慮竭微忠但長州  
之事遵 向命主寬大行至當先是大將軍草定新  
令十八條奏請之曰奉去年 旨增 大廟供料自  
今歲而年納穀二千石曰闕字出平布告之於海內  
如命曰聖誕六月四日停刑戮曰仁孝天皇忌辰六  
日新朔平門院忌辰十三日布告海內慎之曰東府

繼世將軍 宜下之後躬上洛拜 恩命但將軍歲  
 赤滿十七則使使謝恩及十七歲必上洛曰三家以  
 下萬石以上諸大名為家督拜官位各上京謝恩但  
 其歲未滿十七則使使謝之及十七上京曰西國諸  
 大名關東之往還途朝京師任其意曰政務委任命  
 如舊例然國家大事必請 睿慮而行之曰朝廷忌  
 辰無重罪輕罪停刑戮曰九門警衛萬石以下三千  
 石以上為之曰主上春秋二回謁山城內近都諸神  
 社而為厭賤人難澁輕少其函簿儀衛曰諸大名年  
 獻納國產一二品但今諸藩疲弊故五歲一使齎積

實良  
上書

品請所司代貢之曰親王大臣薨為之廢朝因令海  
 內禁音樂曰禁內增拓西面以廣宜秋門內俱西方  
 今年大將軍凶方故次年營之曰禁內補拓東北欠  
 隅曰仙洞宮凝花洞宮平常掃除曰禁中經費御厨  
 供物加進潤精曰皇子皇女罷浮屠因而皇子世世  
 血續之方又議奏之 制可雖然朝廷命改條凡八  
 件改條皆依原件精之耳故略至是慶喜直克忠績  
 忠精正邦五吏連署奏謹遵改條命併大將軍對書  
 上之是月幕府以侍從越中守松平定敬為所司代  
 尋任少將○五月二日大將軍入朝告東歸三日權

其親嬖藏版  
 卷七  
 十一

大納言藤原實良上書曰戊午宣降攘夷詔於幕府  
布告之於諸國大名去年主上謁石清水社賀茂  
社祈請攘夷又告之先皇靈位矣幽明皆透徹上  
下共遵奉大事其如此矣前月移賜大樹詔文也  
臣拜覽之變攘夷命為鎖港命蓋近日公卿大名從  
王命奔走四方上下也事無不關係攘夷而在今  
等閑轉換而唯命橫濱成功無復命周海攘夷矣臣  
甚訝之初大樹一橋上京也數有攘詔乃速奉兼  
之亦乍違背之今委任若人以萬機者有何誠而然  
乎抑大樹等難奉行攘詔蓋奏之理而固辭矣其

率爾而奉承之等事臣固難解也今舍攘夷命委諸  
政於大樹也縉紳不可復與同列矣故臣固辭備聞  
事之真雖然臣苟生攝錄辱任亞槐自後有大議之  
以尋諸臣異見也臣安復辭願為書辭尤觸忌諱然  
臣奉應詔問不蔽心底以上言四日水戶氏家宰  
興津倉人中山與三共呈疏老中板倉勝靜曰橫濱  
鎖港屢有命令而無有事業以顯者三港通商今尚  
依然是以人民惑方向國內將動搖蓋天下舉憤怒  
外猾故敢請今斷先停互市矣我主奉教旨留守府  
城而頃者東垣益動搖矣乃待遠方命徒過機會必

蓮心 被害

生禍難故不得已而計發停市令今也懼自鎖計而  
兵革起則鎖港且不成也我主為之痛心命請幕下  
速議之五日或斫殺僧蓮心于大和丹波市蓮心即  
菅原為恭壬戌出奔不知其所在剃髮變名匿紀伊  
小川有士每索至是戮之置首於石燈貼帖曰此固  
田式部生育于王城下忘却尊攘大典黨長野義言  
媚酒井若狹守排正議害正士又預廢立獻毒之逆  
謀云云六日大將軍發京師還江戶德川慶喜留守  
京師八日遣權中納言藤原定功奉幣于神武帝  
陵告改元十三日令幕府傳詔於權中納言德川

大將 軍東 歸

慶篤曰橫濱之鎖自委幕府其効當顯而未奏功矣  
事係人心向背故殊念速成功矣嘗 詔爾也繼贈  
大納言遺志今須盡力助鎖事展 朝旨因而與松  
平大和守共圖之大和守名直克川越城主其父故  
大和守直候贈大納言齊昭季子十五日三條氏西  
三條氏使正庸李興等三人至伏見被執藤原實美  
等五臣再上疏令之齋東上於是囚于所司代館中  
至七月變皆遭害二十日夜有數士刺殺内山彦次  
郎于天神橋上貼帖于橋曰嗣子及大森八田族不  
改其業又罪之彦次町奉行屬吏通韓非得名大將



軍在大坂命准旗本賜葵章服向毛利氏黜而後互  
市益行物價役貴彥次釀之云二十二日遣右近衛  
中將源通善于豐前奉幣于宇佐廟告改元是日有  
懸一首于方廣寺樹枝附記曰會津肥後守家臣松  
田與去歲八月已來於清水坂正木主水宅與橫山  
外記謀叛事茂國家因加天誅梟之自春以來寒如  
冬及是猶仲春或斫殺賀陽殿臣高橋建丞于大坂  
棄首有榜畧之建丞本紀伊藩臣稱官本弥仕殿改  
今姓名二十五日毛利氏士卒三百餘人入其伏見  
邸又毛利氏士卒浮坊津川入天龍寺先是幕府命

田丸黨  
筑波山

常陸下野諸大名討田丸黨因田丸稻等自宇都宮  
徙陣下野大平山募軍須於櫛木驛大商等以備之  
下野吹上有馬兵庫頭先赴討數戰互有勝敗田丸  
黨縱火驛市遂走兵庫頭晦田丸稻等以四百餘人  
還據常陸筑波山大集墓碑以築壘為本營黨與從  
而集焉○六月二日田丸黨百許人入下總至水野  
日向守結城城下二騎士入城門請面重吏不出固  
請不退吏出會之于一寺已而黨去有亞米利加魯  
西亞英咭喇兵艦欲入長門之風聞於是安藝守淺  
野茂長令森嶋原三川三將率兵千五百人出此大

竹村接長門三日田丸黨眾詣州下館城勸血押於攘船盟書因請貸金穀養兵士百人四日使塚飯者馳來曰敢請血署若不肯致軍卒時城主若狹守石川總管在江戶乃馳歸邑五日夜會津士卒擊殺萩臣年丸與藏等三人于三條四條之間年丸建關與與藏等二人借殺傷士卒十五六人年丸吉田寅之姪時禁萩使入京未逐在邸者於是會津百餘人伺邸人出入害之七日外艦一艘來泊長門黃破戶浦成兵發煩擊之外艦亦發煩數十而北遁初大將軍將還也處六亡臣并毛利氏罪令近衛少將松平定

外艦 冠長 門

安歸國傳命秋藩萩藩不奉其對咸當理定安不得強而不報幕府疑其親服毛利氏召之稱病於是命典藥寮某氏如松江診之二十二日毛利氏宰福原越後與久坂義助來鳴又等率兵船數隻至大坂入其邸二十三日越後告事於市廳以兵五百人起六旗吹三螺北上途韞旗螺舍牧方驛或云其第三隊紅白分染繪旗去歲朝廷所賜夜毛利氏大坂兵皆泝淀河二十四日至大山崎有六隊其一號忠勇初三條氏等西奔也山內有馬宗黑田氏等親兵多從因為設忠勇隊云濱忠太郎等五人造柳澤氏離

陸大 山崎

月台行 卷之七 其將補林

宮祠前成所曰頃者我同僚詣石清水八幡宮祈主  
宰相父子與三條公等被赦命也吾徒亦欲祈之于  
此社事皆訟稻葉老閣而祈者不少故欲寓寶寺請  
許之又藤村幾進等二人詣淀城呈書三通吏受其  
致正邦者曰上朝廷與幕下者咨美濃守而後受  
二人曰不得皆納則吾輩無以報也山崎四千入者  
請受受二人曰退山崎族貴谷時稻葉正邦老中美  
濃守幾進等所上書略曰天下禍變迫於目睫也非  
以回天猛斷速舉齊懲大典則三千年卓立之  
國亦為髡虜被髮之域矣草莽微臣上書甚怖其非  
神

毛利  
上書

分而抱憂不遑忌諱因祈石清水廟縷述血誠以奏  
言抑自外舶變起宸襟日夜憂惱屢命攘夷而  
加奈川之約有司無道故其後四五年間妖氣怪氛  
鬱塞天地壬戌之秋勅使東下督促攘舶去夏  
帝親命大樹以攘期布告之于天下親祈賀茂石  
清水廟竟告幸大和謁大廟豈圖闕下擾  
亂三條公等與敝主宰相父子蒙譴詔及今歲正  
月已賜宸翰二次四月委任諸政於關東委任關  
東雖當然事而十年之聖斷雖富嶽崩湖水涸而  
不動搖者與今日行事齟齬者恐九重之深譏誣

欺罔令然乎野臣胸膈為之摧裂叫天號地悲痛不堪若夫諛誣欺罔之伎喋喋諂以七事曰云云以惑聖聽哉正氣消滅壯烈切齒四海鼎沸風俗左衽矣三條公等承順累年聖衷欲措神州於富嶽之安宰相父子亦盡力於官武之間東馳西騁建白以復上洛興其二百年廢典又奏請賀茂石清水之行幸自布告攘期之後每忘寤寐食勉勵武技倡尊攘鼓舞士風而與三條公等皆無有他腸矣聖襟若疑其有異心謹請召之於玉座之近而願事巨細經天聽然則震怒自霽矣然而宸衷或有所

不協而聖諭且垂之則必感激奮興益甘劑粉身骨矣謹觀古今創業中興事蹟未有不枕戈橫劍之勞卧薪嘗膽之苦而成就之者蠻夷拓國廣地或復舊地成獨立不羈之國皆劍剡相摩彈丸注舌之際而就之若夫牀蓐枕席之間雖有神策明籌猶屬畫餅盖行大義於國宗大讐者不可須臾遷延也謹請聖斷速建次字國體而以覆載之德涵容三條公以下宰相父子赤心以率勵天下士氣如此則四海億兆歡喜踊躍因而掃討倒海大寇不難云寶寺兵分陣天王山及觀音寺等寶寺觀音寺皆在山上

容保陣疑

旌旗多書軍神名京師戒嚴越後入伏見邸遣使京師曰淑主大膳大夫父子有訴幕府僕為之使赴江戶而頃者敵藩等亡命多集山崎僕恐其或起事故姑留宿伏見守護松平容保遣兵卒于西南諸堡口及伏見備之二十五日老中正邦遣使山崎曰藤村等所上書因一橋卿奏之卿謂迫京城奏事敵慮不安宜退武庫以待忠勇隊將松山深藏等對曰諸士欲詣闕奏請僕等抑而止若強之以退恐生變故不能奉命二十七日容保帥衆自岡崎入禁郭陣凝花洞官趾令在京諸大名發士卒陣四郊毛利

氏山崎兵百人詣石清水廟祈請帝確乎攘外船與讒實美等七臣慶親父子之徒被黜自且終夜而歸是日來島又以兵三百餘人自伏見徙天龍寺途起白旗而行○七月二日帝召德川慶喜命徵四方大名備變池田慶德以士卒一萬人入京師近畿諸大名相續而入幕府令膳所兵陣太秦備天龍寺官津兵千餘人陣橋本備山崎會津兵雜為先是小田原兵七百人守山崎路向日町至是召還之令郡山士卒戍離宮者退守向日町三日老中正邦遣使山崎曰奏藤村大谷兩士所上書也小官為周旋

月台竹川

求其通徹而竟弗聽也。宜力計歸國限八日而發。先是幕府遣大目付永井尚志等于伏見命越後曰汝為詣江戶而留者許之。而山崎天龍光明諸黨令之歸國。至是又遣尚志等命越後急還其黨。七日中務大輔藤原健資上疏曰從幕府請不宥毛利氏則輦下擾亂海內不協敢請省之。已而諸堂上連署請許款士入京師。九其所訟因有栖川熾仁親王奏之。八日福原越後如山崎山崎入江弘致等又上書請實美以下慶親父子蒙赦詔再輔佐。聖慮撫萬民耀武威使使詣淀城。因正邦奏之其書千三百餘言。

幕府討田丸黨

讀者慨歎。初田丸左京稻等據筑波山來黨者日衆。號一萬人食不給而時侵掠民家放火於城市村落。於是幕府命大番頭修理大夫本多助真講武所目付小出玄蕃英道等率大砲隊八百餘人討田丸黨。命高崎右京亮松平輝照佐倉相摸守堀田正倫與共攻之。水戶亦發兵攻之。九日松平輝照小出英道等與下館石川總管下妻井上正兼笠間牧野貞明等兵共攻筑波山黨伏精兵數百人于壘外遣羸兵二百餘人逆戰敗還。諸軍乘勝逼壘壘兵開門大出與伏兵夾擊破走之。夜毛利氏宰國司信濃以兵五

月拾行川...

象山 首服 洋服 幕共 攻筑 波大 敗

百人至山崎遂從天童寺法輪寺十日幕府諸軍再  
攻筑波山敗小出英道死之十一日有士數人斫殺  
佐久間修理于三條立榜橋側畧曰修理主張閩港  
說出入樞機家近日黨奸賊某某二藩與某親王謀  
欲奉移御座于彦根城今頻窺其機會因行天誅  
也修理號象山博覽衆書最精西洋學本松代藩臣  
嘗為幕府所徵受其俸首服洋服今服用國制亦跨  
洋鞍而被害云二十三兩日幕府諸軍與筑波黨  
會戰大敗本多助真使番永見貞進父子大炮隊牧  
野貞明松平輝照等兵多死之英道遺臣有提敵首

三級歸營而斃者其一渠帥首云使番幕府聯夕共  
四日毛利氏宰益田源吾以兵六百人來陣天王山  
十五日幕府命少老玄蕃頭田沼意尊帥旗士以下  
一萬人往討田丸黨遣金田貞助于仙臺松平龜六  
于盛岡松平孫次郎于秋田命發兵助討黨意尊至  
九月入常陸大目付之喻越後還兵也對曰不能制  
然不可方命力退之乃令嵯峨栗生黨多退山崎至  
是又遣大目付命曰宜明日歸國不然致軍對曰傳  
命山崎請緩三日去歲閉門之變毛利諸臣怨望松  
平容保謂容保與某親王誣奏作之其冬有說客加

毛利兵入京師

藤熙者激越後等曰起兵抵山崎伏見以訴則必有  
天使莅陣得雪君冤和邦內遂加邦威於海外其  
論十五條列宰多憚起兵迫京故頻使使請入及不  
許遂用熙策而東上軍士咸志屠容保等清帝側忠  
勇隊有源忠成者曰余與諸同志東上無生還之意  
當以七生滅國賊其切激皆如此於是伏見山崎八  
幡天龍諸將會議進攻京師移檄在京諸藩曰由誅  
容保傾刻犯輦下請恕源吾越後信濃連署之十六  
日夜有大星自東南流西北十八日夜四更福原越  
後以兵五百人由大和大路入戶田氏寶塔寺戍兵

及井伊間部氏等兵禦戰破之殺隊將新見彈藏以  
下九人越後中丸落馬遂奔山崎初三更戶田斥候  
之伏見還報曰長州將六七騎出邸麾五六百人調  
隊伍將由大路入京戍將小原仁吉田團平等急部  
署其兵為三隊令二隊分登沿路民屋樓上人持銃  
不用燈一隊備路上具銃悉下燈著地既毛利兵至  
望見其燈以為敵軍猶遙倉卒三隊夾擊之毛利軍  
頗亂而頻發小大銃苦戰二時越後被創敗北戶田  
兵追至墨染中村九郎殿死闘却之十九日昧爽國  
司信濃與來島又等以兵九百人自嵯峨入京師久

月台新刊 其見妻或反



坂義助入江弘致等以兵五百人自山崎入京師信濃兵攻勘解由門會津兵拒守不得入與一橋兵戰破之進攻蛤門正親町門皆不得入島津將仁禮源丞等率兵二百人來與信濃兵銃戰于正親町門前却之與一橋兵夾擊遂破之信濃集敗兵整隊伍走嵯峨來島又見王小民部等先已率所部破石山八條氏等後門由其庭入郭內大發銃犯守護會津容保疑花洞陣進至蛤門內勸修寺氏門前欲要擊容保等趨禁內時所司代桑名氏兵常衛御庖門會津氏兵常衛宜秋門島津氏兵助會津其諸衛兵與

大戰桑名兵却入御庖門毛利兵疾追至門會津島津兵橫擊之合戰十刻毛利兵遂却出蛤門又戰數合來島又驍勇每身先士卒奮擊其兵有內田彌三郎振千鈞鐵槌挺進毆殺十數人諸軍辟易久坂義助入江弘致寺島忠三郎等已據鷹司氏第將進攻疑花洞井伊將木俣土佐福井將伊藤友四郎桑名將某等與一橋屬將大澤顯一郎河野外一郎各率所部圍之井伊兵西鄉政介持長槍躍入毛利軍呼曰我此戰一番搶誰敵者中村恒次郎挈短槍前曰我能敵爾即闚少傾遂刺殺政介既兩軍大戰癸矢

飛丸如雨多士卒死者德川慶喜自四更入禁內  
 數出伺戰狀至是視戰耐在京諸藩未集乃意帝  
 震怒不利詔他藩擊卻之幕府家命今日而盡兵  
 不如縱火敵後走之亟獻捷乃命急傳火鳥丸春日  
 諸市舍容保亦奏請燔鷹司氏第於是先煩鷹司第  
 焚之與市舍焰烟漲天諸軍聞而乘之毛利兵皆敗  
 北義助忠三等被重創趨入第火中喻衆據天王山  
 合伏見差我兵圖再舉真木保臣松山深藏品川彌  
 九郎等以義助言率衆突圍奔山崎田中幾藏高木  
 元等五六人死于御庖門前來島又湯川庄藏野木

燒鷹司氏第  
 毛利兵敗走

八三郎那須唯市平田國彦等十餘人死于蛤門外  
 義助忠三弘致野口逸丸上岡丹治原陸太那須俊  
 平津田愛介真田四郎粟屋龍介安藤誠介名和幸  
 胤等二十四人死于鷹司第内界町門内外有伊藤  
 香助年甫十九能操十錢丸銃本高智臣朝廷募  
 忠勇士置親兵香助充之西奔入忠勇隊在鷹司第  
 與衆登牆拒戰香助銃殺井伊福井兵八九人遂出  
 戰被重創而死鎧裏有謝世和歌世憐之日中毛利  
 兵悉出京走本國明日島津兵追信濃至差我信濃  
 已走山崎追兵捕疲兵十許人遂焚天龍寺法輪寺

月台并別慶公已月少二天二日見妻或反

會津將橫山主稅等與桑名井伊將以兵千五百人  
追至大山崎焚其十八町人家及離宮神廟與毛利  
兵三十餘人戰殺之進登天王山保臣深藏等山上  
頻發銃逆下諸軍以為敵兵多據之乃退不敢逼於  
是保臣深藏松山良藏北畠四郎池田健次郎名和  
宗介池尻茂四郎加屋四郎等十七人縱火自殺初  
益田源吾留守天王山越後信濃保臣深藏等敗至  
保臣深藏喻源吾等先歸本國與越後謀再舉曰今  
有死士百餘人據此山支二三日本藩大軍必至遲  
之誅國賊議決遣本國報至曰有外寇故後艦至多

度津而反衆失色保臣更勸越後等歸國禦寇衆去  
里許追兵至遂焚觀音寺寶寺保臣永天宮祠人歎  
攘詔不行入款藩為隊將博學善歌有謝世和歌云  
云二十日夜初更便殿庭忽有兵士三百許人來上  
請奉鳳輦而出帝驚避之南殿兵士更詣儲  
君親王所上請奉而出其士皆鐵衣持銃附煙繩宮  
女辭以親王視汝徒發病兵士乃去或云容保常  
懼為敵者所奪帝則失其職掌故嘗約一黨曰有  
變奉遷鳳輦于彦根城其黨畏負約故至黨即十  
津川鄉士也會津等兵焚鷹司氏第也尚恐他二四

會津  
兵燒  
京師

緝紳亦敵兵匿焉故續而煩醍醐正親三條西三條  
難波錦小路氏諸第舍燒之遂引煩於南方晝夜焚  
諸市街以到七條煩東本願寺燒之而北還此災北  
自正親町春日街南至七條野外東自京極鴨川西  
至堀川公卿第宅十八區武人邸館五十區民房三  
萬八千三百餘戶焚蕩至是熄或云松平容保命守  
護加封五萬石而以多畜士卒經費不給故又加五  
萬石然用竭而士卒時相結黨詣京中大坂豪商借  
金此變前二月請東本願寺借金二萬兩弗聽甚嗚  
之因聲追敵延火罹之時火中多竈盜遺庫有扉闕

幕府  
賑災  
民

詔討  
毛利  
氏

內空自後九衢多假居荒地不亦復前時東本願佛  
光本能妙滿等諸大刹亦不再立幕府糶二條倉米  
五千斛賑遭災民時價升米錢二百糶其半又與金  
米及粥賑之設場于市廳守護館北野祇園四條金  
蓮寺壬生寺島原等日施予每人賜米或三升加金  
一銖或二升加二百錢或二升或一升二十三日  
詔討毛利氏權中納言德川慶喜為大將近衛中將  
松平慶永為副將督山陽山陰西海南海二十一藩  
軍攻之未發二十四日幕府罪遣外國池田筑後守  
河野攝津守河田相摸守禰其官爵外國奉行或削

月... 卷七 七五 其...

月... 其見...

明治義典 慶引經閣今印錄 卷世 廿五 其辨

俸或禁錮更命合原猪三郎使於外國去歲仲冬命  
筑後等三奉行往說諸外國罷五市三奉行先至佛  
蘭西諭之不聽遂不之他國而歸獲罪二十八日

詔停中務卿有栖川熾仁親王太宰帥熾仁親王前  
關白藤原輔熙權大納言輔政右近衛大將藤原家  
信權大納言藤原實德藤原資宗前大納言藤原忠  
能前近衛中將忠愛權中納言藤原實慶左近衛少  
將藤原基文甲斐權介藤原時厚右少辨藤原經理  
正五位下藤原安仲朝參皆疑於毛利氏事故○八  
月朔大坂大火是日英咭喇佛朗西亞米利加阿蘭

洋艦十八

長門 艘冠

長府 上書

陀軍艦十八艘來泊豐後姫島海中四日前泊長府  
下關海中五日毛利氏吏往問外艦又應對之于下  
關既長府外濱及諸煩臺爭發煩擊外艦外艦大者  
舷面設煩九十門其次設七十二門其次設四十八  
門皆發我臺力當之煩聲震天地毒烟塞海陸及暮  
五退六日復煩戰如前日互有勝敗下關市舍多罹  
兵燹長門府中城主左京亮毛利元周上書曰敝宗  
大膳大夫慶親欲敢請攘夷與鎮抑亡命使家老益  
田源吾福原越後國司信濃上京而源吾等三老違  
慶親病意為亡命所誘去月十八日夜騷擾闕下

月合行刊 卷二 其規畫

京邸留守織江歸來告之慶親父子大恐怖乃幽源  
 吾等三老于分藩德山城臣元周戰慄伏待 怒  
 命七日諸外艦又前逼臺檀浦前田彥島三成以計  
 自焚營而亡外兵上陸至角石山我兵掩出擊卻之  
 因大戰于檀浦前田等處戰酣地雷發於濱上外兵  
 陷之多焚死毛利兵終夜防戰八日又克之外兵死  
 者四百餘人我兵死傷不滿四十人而毛利慶親聞  
 有 討詔以謂我素無有病恣於異域之王而每抗  
 之苦數萬州民者以勤王事也然近日反忌勤王事  
 疑之今者幕軍將來伐是腹背受敵也不如與外國

慶親  
 與洋  
 艦連  
 和

和親以待時九日乃遣其臣毛利出雲因安藝藩上  
 書奏國捷并與外艦議和使長府一將吏詣外軍議  
 和單騎馳至前田外兵環之將吏講和外兵皆舍銃  
 羅拜或悅撫將吏馬既乘子舟鳴鐘揚白旗以示求  
 和於本艦本艦十八艘亦各鳴鐘揚白旗遂互回兵  
 誓為外艦九隻泊下關餘皆損壞著田浦修之竟悉  
 去或云歸橫濱葬戰死五百人本願寺為粥賑其境  
 市七十町民自兵燹熄行之至是止尋又施金賑之  
 每戶一兩自六月不雨至于茲十二日佛朗西兵艦  
 一艘入長崎其將以哩寧至立山廳謁奉行曰我元

帥頂荔鄒命僕告臺下以頃者戰於長門始終而僕  
得見者忝矣已而答我問凡九條其所語彼戰死人  
數軍艦損狀等與邦人所傳者頗異也最後曰僕今  
日還船赴清國上海橫濱諸外船請幕府出款藩之  
贖金三百萬兩幕府答曰府取之於款藩而與十六  
日幕府罷於市廳等日賜金米更發穀一萬斛無災  
否每間與五升賑之十九日池田慶德上疏曰謹奉  
討長門宰相之期而臣傳聞頃者外艦數十艘碇泊  
姬島海是欲犯奪赤間地也臣請 勅九州四國山  
陰陽諸藩擊却之今也雖 勅討宰相父子而防長

慶德  
上書

二州即 皇國土民乃為外艦所侵伐者固 皇國  
耻辱也近隣諸藩以已有 討詔故避嫌疑顧形迹而  
傍觀之雖尺寸地為外艦所掠奪則 皇國耻辱莫  
大焉若外艦海面犯之王師內地伐之自成夾擊果  
至此則如國威何臣深痛心焉敢請急停伐款 勅  
伐款諸藩先擊攘外艦外艦還去而後問毛利氏罪  
若是則威武輝名義立事寔係 皇國安危也知而  
不言臣以為不忠因不避嫌疑而上言仰祈留 勸  
慮於內外緩急之宜常陸安藝二藩亦上疏率同之  
幕府以伯耆守本莊宗秀為老中二十日 帝發金

帝恤  
遭災  
廷臣

穀賑遭災公家堂下公家每門百兩十五斛堂下每  
官或二十兩或十兩或七兩是日松平輝照兵船十  
二艘襲武田正生黨水戶湊村營走之奪其器械二  
十四日幕府再發穀一萬斛賑遭災士庶每間一苞  
但三斗因幡藩慶德亦發穀賑之每間三升幕府遺  
遭災公家金助其修宅依例分之攝家二千兩華族  
五百兩大臣三百兩納言二百兩參議散三位百五  
十兩殿上人百二十兩嗣子任官者銀三十枚堂下  
諸司亦賜之妙法院王邑市舍在川東皆免災其在  
川西十餘町皆被災於是王府發米五百苞賑之至

幕府  
分金  
于廷  
臣

筑波  
陷

冬又除其地租二十八日東本願寺施金其境市六  
十餘町民每戶四銖至冬又免其地租明年亦免之  
○九月七日幕將田沼意尊等率諸軍攻筑波山遂  
陷之先是武田正生與同僚市川參數戰于水戶遂  
據湊村及館山於是田丸稻藤田小四郎等欲往助  
正生其黨曰我輩敬攘詔棄身命何私闘之與去者  
相續幕軍乘之稻等力拒不支遂以三百餘人奔館  
山十日 詔前大納言德川慶勝代德川慶喜為大  
將往討毛利氏近衛少將松平茂昭代父慶永副之  
在京島津氏士卒屬焉慶勝告奉 詔于幕府幕府

月合行川 慶引烈聞今日錄 卷七 廿九 其新撰藤抄



委任之十五日開禁郭九門二十八日幕府發二  
條倉賑遭災堂下每官二斛征西大將德川慶勝令  
關西二十九藩水陸圍長門周防○十月幕府發米  
周賑京師民被災每間一斗六升不被每間九升自  
兵燹熄之後散立假屋千數間于焦地令窮民居之  
每間與米一斗八升或給衣被自同時於七松街日  
與窮民米每人二合至季冬賜之糲餅人三十而北  
野祇園四條壬生等與粥至明年二月而止十日  
勅黜勾當掌侍高野氏大典侍中山氏督典侍中御  
門氏大乳人壬生氏四宮女詣泉涌寺不得復入鍋

黜宮 婢

征西 大將 發京 師

島齋正入京師十五日征西大將前大納言慶勝以  
士卒一萬七千人與越前守少將茂昭偕發京師抵  
廣島翌月召款宰志道安房令大目付主水正永井  
尚志申討命十六日幕府以去歲上洛之慶頒賜金  
六萬三千兩于府下市民時江戶民房十三萬三千  
六百二十戶十七日帝延見近衛中將鍋島齋正  
賜以名刀二十二日勅德川慶喜令鍋島齋正為  
征毛利後距如大坂京師雷震幕將田沼意尊島居  
忠寶率兵二萬人與武田正生田丸稻山國喜等戰  
于水戶水戶宰市川參朝比奈彌太郎率河部助之

幕兵 擊耕 雲齋

月台行川 卷七 三十一 其新撰

昧爽幕兵縱火城第掩殺武田黨若干人市川參黨襲武田黨湊村營大發火箭及煩殺傷二百餘人武田正生在館山常光寺望火即與稻喜小四郎等率黨兵千餘人馳入幕軍二萬人中奮擊連破之進又破市川參軍于中根村追參至下村多斬其兵遂還館山諸軍圍之忠實官丹波守壬生城主此舉惟其兵力戰餘披靡云天保中小四郎父東湖彪與結城寅壽武田正生等為中納言齊昭所親重皆列家宰寅壽黜多權詐深疾彪等後進變更制度讒之於幕府齊昭因獲罪削髮彪正生等皆黜正生削髮號耕

雲寅壽援黨悉改齊昭改時目其黨曰奸黨彪黨曰正黨墨艦初來幕府復辟齊昭齊昭誅寅壽復任彪正生等齊昭再坐事而卒寅壽遺黨市川參等又專政彪正生稻等憤怒欲遂齊昭遺志彪歿遺命小四郎復齊昭政彪博覽能詩文有正氣歌傳世去歲春一橋慶喜初入京師正生以為遂志之時至乃屬之任伊賀守詔水戶慶篤兄弟助府攘船勅正生扶之正生感激數上疏幕府力勸攘外舶雪國辱不報正生以謂因循如此則吾主必獲罪于京師向吾數上書皆君子湯今國家罹非常病非常病當用非

水戸  
内亂

常藥愈之密囑其門人田丸稻及小四郎等結黨  
據筑波起義旗動遠近而欲自周旋幕府本藩之間  
以成事適有勅變攘夷為鎖港由是市川參等之江  
戸讒正黨於慶篤將悉囚之正黨三百人出奔下總  
欲懇于江戸邸正生勸慶篤逐歸市川參參還水戸  
撤諸橋築煩臺于郭外備正生等正生因又勸慶篤  
就國討之慶篤訟事于幕府命分藩大炊頭完戸頼  
德歸邑靜鎮之正生請奉頼德領正黨三百人還水  
戸參發煩拒之正生攻拔參黨岩舟湊村二營具火  
器以攻參數日憚向主城還湊村議戰略設備砲食

遂據館山少老意尊之命將有故延出前月始攻筑  
波參素與之通謀意尊因進軍臨湊村軍目付戸田  
五助等使田中某入正生湊村陣說曰軍監戸田佐  
佐木同欲歸府曲告事情行成如何完戸頼德欲如  
五助營語内亂終始和解之正生曰沮稱病使使對  
之嘗其虛實頼德不聽而往遂從五助適江戸正生  
與幕軍對陣竝江戸報四十餘日至是夜水戸士卒  
俄多集城第因武田黨亦召趨之水戸重吏告之曰  
幕將得報將擊奸黨而顧正黨混之賜府傍分之付  
此無擊授府傍數百巾或謂正生曰授傍與數大炊

月台行川... 見書或反

頭同術不可信也。正生即夜自湊村徙館山。然信暢者留第及湊村。俄刻幕軍掩至。擊有榜者及之。云清水清二稻葉丑次郎二士所殺。英咭喇二人于鎌倉。雪下幕府追捕二士。翌月斬之于橫濱。清二臨刑。腹曰殺我亡本朝元氣之一端。二十三日武田正生田丸稻山國喜藤田小四郎等率黨兵八百餘人突圍出赴京師。○十一月朔島津氏相國邸士卒五百人西發。皆被甲。帝臨建禮門觀之。七日毛利慶親命家宰益田源吾福原越後國司信濃清水清太郎毛利登人周布政助。突戶左馬等十餘人自殺。悉斬預

耕雲 去水

毛利 三老 自息

其謀者已與定廣皆出。救城自幽于城下。寺使佐竹三郎等九人詣大將德川慶勝軍門上書告之。請檢源吾以下首及賜。恕命吉川經禮副之德山城主毛利廣篤清末城主毛利元純亦使使共上書告行刑。自幽請。恕命是日或酖殺中山藤原忠光。十四日詔復北野廟。臨時祭遣殿上人宣命。行之時三條氏家臣某失心。拔刀斫殺。屬祭使仕丁。因又傷五六人。昔者祇園平野松尾稻荷大原野日吉等諸大祠同北野。有臨時祭。自明年除稻荷外皆復之。蓋稻荷每歲有。綸旨祭之。賀茂石清水臨時祭

月台新刊 慶長紀略 卷七 三十三 其新撰

京師  
頻有  
變異

自文化至去年各二歲一行亦自今年歲修之加賀  
藩宰長大隅守以士卒五千八百人發京師赴安藝  
十八日上御靈祠神膳卓無故自顛覆未時北野廟  
石造鳥居門棟東半無故自斜裂而落初京師市人  
等合力以巨石造之建于影向松側建而七日有此  
異上御靈祠人大驚神膳變奏聞乃賜白金二枚禳  
之此夜會新嘗 帝入神嘉殿祈將訖殿戶帳無故  
自燒時人益異十九日京師雷電大將德川慶勝在  
廣島城遣家宰隼人正成瀨正肥以下百餘人莅城  
下國泰寺檢毛利家宰首幕府目付軍目付等副之

毛利  
三  
獻  
老  
頭

正  
生  
西  
上

安藝等諸藩宰左右陳列毛利氏宰志道安房齋益  
田源吾福原越後國司信濃三首進置正肥前檢畢  
岩室某叔之已而德川慶勝命毛利氏毀周防山口  
城使家宰石川佐渡守及目付戶川鉾三郎監之幕  
府始置京都見廻役以相摸守時田廣孝為之見廻  
役巡察使也目付亦監察使也軍目付軍監也凡武  
門質俗其職名所以避朝官嫌疑也若厭其不雅妄  
漢譯之失 王霸之別亂國家禮文矣初武田正生  
之去館山謂諸渠師曰我決死賴吾子輩力復戰必  
誅奸魁市川等然我死之無復有繼烈公之志而勤

月台... 見...

王事一橋卿烈公愛子其初上京師我屬之其後  
朝廷命小官以扶助攘事貫徹之今我又依一橋卿  
白起義兵之由必有所遂矣乃以黨兵千二三百人  
擁旌旗具車重至大宮村有追兵武田黨與砲戰破  
之已而途劫掠河原村至朝倉有民多出拒之黨與  
戰于邊栗嶺不利東崎等死之又與戰于大澤嶺破  
走之過月居至佐貫有市川參兵七八百追及黨與  
戰于兩驛之間三日互有勝敗黨燒一寺遂破參兵  
薄井死之此月初入下野黒羽城主大關增裕發兵  
拒之那須城主大田原銚丸發兵二百餘助大關氏

黨與砲戰破之至高久村先是小島村借會津氏倉  
穀至是再借會津氏倉穀既入上野高崎城主松平  
輝照發兵三百焚梅澤民家以禦之黨兵力戰大破  
之殺三十餘人獲煩四門繁藏等二三人死之入信  
濃二十日高島城主諏訪忠誠松本城主戸田光則  
並發兵焚民家以防之黨與大戰于和田嶺破走之  
舍下諏訪驛無一人在二十四日至飯田告西上之  
由城主堀親義餉午食入美濃二十七日至中津川  
有豪農饋糲餅菽醬大垣城主戸田氏彬自寶塔寺  
馳歸備之島津氏兵自京師如美濃斥候晦武田黨

正生 八北 陸 慶喜 奉 勅 武田 黨

至鷓沼先是多經間道至是以加納大垣名護屋桑  
名等兵拒守故又入間道○十二月二日至谷汲寺  
令僧嚮導如越前三日權中納言德川慶喜奉勅  
為大將以桑名會津松江福岡阿濃津小田原等兵  
二萬人出陣圍城寺及大津加賀兵四千人為其先  
鋒進次草津慶喜令停諸漕船設柵瀨田橋四日德  
川八四郎丸為副將以其士卒發本國寺八四郎水  
戶慶篤弟後任民部大輔越前大野城主土井利慎  
發兵拒黨其兵至秋生燒沿道數村使黨不得次宿  
五日市師大風大野兵燒本戶黑戶等五村黨軍至

明治新史 慶喜引經開今 卷七 三十五 其新史

正生 占書

中島村屋已燬亦會大雪舍遺庫橋下餘露次多凍  
者六日德川慶喜聞黨軍由北陸西上令先鋒加賀  
兵轉赴海津九日黨軍至今庄民負荷四散居一日  
後軍十日加賀將永原甚七郎進至葉原令前隊  
守木部嶺小田原大垣兵繼至匹田德川八四郎丸  
至山中郡山兵至荒路山桑名兵至海津其餘加賀  
福井大垣彦根小濱兵凡五千三百人與一橋氏屬  
將等兵五百人皆次敦賀十一日黨軍進抵新保民  
皆避入山所遺米麥醃醬食而盡屏風障戶燎而竭  
伊賀守武田正生呈書葉原陣曰僕嘗為同僚市川

月台行則 卷八 己月 其見慶喜反

參等所讒，因蒙幕府機疑，遂亡失源烈公積年素懷矣。臣子之情不堪遺憾，故欲投主君，族家訴事固無有。抗諸侯之意，請道路無支，令得過焉。永原甚七郎答曰：先鋒軍欲令經過，不可得也。尚報後刻一戰之期，正生再呈書以辭戰，請聽上書。總督於是甚七郎入新保軍，按問之。正生稱病，令平太郎等二人應對進書五通。一上慶喜，一述事終始，一謝罪，一陳因加賀藩乞降，一呈甚七郎甚七郎感所對之忠誠，為之疏請寬裁。及急恤黨軍飢，十三日併諸書進之於中軍，目付播磨守瀧川具舉正生上慶喜書曰：臣正

正生降

生頓首百拜敬白於一橋公閣下。臣等不顧天下之大禁，被甲率衆，縱行諸州，非好亂挑戰，誠不得已之勢耳。閣下所知，逆臣結城寅壽餘黨市川參佐藤圖書朝比奈彌太郎等，讒譏臣等奉繼烈公遺志，掃除侮我洋船，盡微忠於國家之行，而百方妨之。一鍊金錢，故臣與之數戰于本國。雖則與同僚戰爭者非臣本意，然臣等終因循則成年以來，天朝所降攘夷之詔，皆為水之泡而論言如汗之大義亦寸地且不行。洋船益跋扈，國體殆拂地如此，則烈公繼述祖宗遺志，攸慕東照宮風教之事，滅泯滅至無跡。



矣臣子之情也遺憾無過於此矣臣正生固甘粉骨  
 碎身志掃攘洋舶盡微忠於天朝幕下也別冊認  
 其勢情之始末仰願閣下瞭察之伏地待命是日大  
 將德川慶喜以諸軍進陣海津二十日令永原甚七  
 郎入新保軍命事二十二日武田正生悉束兵仗送  
 葉原陣二十四日甚七郎等徙置正生以下于敦賀  
 本勝寺等二三區自後前田氏厚養之初幕府以伊  
 豆守松前崇廣為老中奉教入請開武庫港弗聽於  
 是東歸二十六日德川慶喜凱旋京師二十七日征  
 西大將德川慶勝令諸藩軍解圍還邑命黑田及島

解毛之利田

津細川鍋島有馬諸族留其士卒護三條氏等五臣  
 待徙置之命幕府築壘于淀河南北涯橋本高濱以  
 關水路自去冬興功至是橋本壘成於是又築壘于  
 山崎之西梶原以關陸路明年與高濱壘皆成

慶弘紀聞今日鈔卷之七

